



Primeiru Ministru RDTL, Rona Aprezentasaun Husi Ekipa PNDS Konaba Uma Kbi'it Laek

Diretora PNDS Akompanha Vice Ministeriu Administrasaun Estatal Hala'o Sorumutu ho Primeiru Ministru RDTL

Diretora PNDS, Dulce Guterres Junior akompanha Vice-Ministru Administrasaun Estatal Abilio Jose Caetano halao sorumutu ho Primeiru Ministru Taur Matan Ruak, sorumutu ne'e halao Segunda-feira 14/10/2019.

Objectivu husi sorumutu ne'e atu rona no simu orientasaun direita husi Primeiru Ministru Taur Matan Ruak konaba insendiu ahi-han plantasaun inklui uma comunidade iha Munisipiu hat mak hanesan Munisipiu Liquica, Ermera, Aileu no Bobonaro.

Hafoin enkontru Vice-Ministro Administrasaun Estatal, Abilio Jose Caetano hateten enkontru ohin ho Primeiru Ministru koalia konaba kestaun inportante rua, primeiru mak simu orientasaun hodi prepara nafatin orsamentu ne'ebe tama ona ba planu OJE 2020 nia ho orsamentu husi PNDS ne'ebe maka ejekuta ona durante 2019 ate agora.

Kestaun segundu ne'ebe koalia iha enkontru ne'e mak koalia konaba planu orsamento tinan fiscal 2020 husi Ministeriu nian ne'ebe sei hari'l uma kbi'it laek iha teritoriu tomak, plano ba hari'l uma kbiit laek ne'e enkaisa iha orsamentu PNDS nian ba tinan 2020.

Iha oportunidade ne'e sekretariado tekniku Programa Nasional Dezenvolvimentu Suku apresenta estimasaun orsamentu ba hari'l uma kbiit laek inklui politika implementasaun uma kbiit laek.

Vice-Ministro Administrasaun Estatal Lança Perfurasaun Be'e Mos iha Aldeia Akanunu

Lançamentu perfurasaun Be'e Mos ne'ebe lança husi Vice-Ministru Administrasaun Estatal, Abilio Jose Caetano no akompanha husi Embaixador Australia ba Timor-Leste, hala'o iha Postu Administrativu Cristo-Rei, Aldeia Akanunu 29/08/2019.

Perfurasaun be'e mos ne'e uja orsamento PNDS ne'ebé aloka ba Aldeia Akanunu iha tinan 2019, projetu ne'e rasik propoin husi comunidade rasik atu bele responde sira nia difikuldades kona-ba falta be'e mos.

Vice-Minisitru Administrasaun Estatal, Abilio Jose Caitano hafoin lansamento hateten haktuir ba comunidade sira katak nesesidade kona-ba Be'e mos iha mundu sai ona nudar deklarasaun global atu comunidade iha mundu hetan asesu ba Be'e mos no saneamentu ho dignu inklu mos comunidade iha Timor-Leste.

Ho nune'e Vice-Ministro Abilio Jose Caetano hateten Timor-Leste iha obrigasaun atu bele tau atensaun ba nia comunidade hodi asesu Be'e mos no saneamento ho dignu, nune Governu Timor-Leste iha komitmentu atu investe maka'as, tanba ne'e Ministeriu Administrasaun Estatal halo ona Negosiasaun ho Governu Australia kona-ba Tanki Rejervatoriu Be'e hodi rai Be'e Mos ba tempu naruk, Governu Australia iha komitmentu atu fo nia assistensia tekniku ba Tanki rejervatoriu Be'e Mos no tekniku sira ne'e sei selu husi Governu Australia.

PNDS

Hamutuk Ita
Dezenvolve Nasaun

Novembro 2019

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Remata Ona


Faze 2 Siklu 2 : Remata Ona

**Faze 3 Siklu 2 : Iha Etapa 10 Enkontru
Akontabilidade Dahuluk (FIAM), Transfere
Fundus Infraestrutura II**




Konstrusaun

Faze I Siklu 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

Faze II Siklu 2



Enkontru Sosializasaun ho Fomesedor Kona-ba Implementasaun Projeitu Suku

Objetivu husi sosializasaun ne'e atu fo oportunidade negosiu ba kontraktors sira liu-liu ba fomesedor ne'ebe sei fo apoiu ba implementasaun projeitu PNDS hodi ajuda no fasilita implementasaun projeitu Suku nian.

Iha intervensaun husi Diretor Delegasaun PNDS munisipiu Dili, Tadeu Francisco de A. Soares hatete katak, iha alokasaun orsamentu ba infraestrutur kuase U\$ 35 mil iha suku ida alende ne'e mos U\$ 35 mil ne'e mos iha divisaun oi-oin, hanesan orsamentu ba transporte ba mos iha trabalhador sira, restu husi ne'e ba hotu iha material konstrusaun, iha material konstrusaun ne'e mak sei fo oportunidade atu compete, karik compete ho presu ne'ebe diak liu entaun kompanha refere ne'ebe compete sei sai manan nain, iha ne'e mos sei la taka dalan ba kompanha seluk atu compete enkuantu lisensa negosiu lokalija iha munisipiu Dili.

Iha mos intervensaun Vice Prejidente CCI.TL, Hergui L. F. Alves hatete katak ne'e foin hanesan prosesu sosializasaun ba kompanhia hirak ne'ebe hatama sira nia kotasaun, se iha kompetisaun ba kompanhia lokal sira husi kada suku atu compete hodi implementa obra refere, husi ne'eba mak ita foin hatene total kompanhia hira mak hakarak partisipa.



Diretora ST-PNDS Hala'o Lancamentu ba Irigasaun iha Aldea Citrana, Oecusse/RAEOA

Objetivo husi lancamentu primeira pedra ne'ebé halao'o iha Aldea Citrana, Suku Beneufe, Postu Administrativu Nitibe, Rejiaun Administrativu Ambenu Oecusse/RAEOA hodi fasilita comunidade hasae rendementu ekonomia ba Dezenvolvimentu nasional iha suku hahu husi aldeia.

Iha Intervesaun ho lifuan Benvindo ne'ebé hato'o husi Chefe Suku Beneufe, Marco Col nudar representante comunidade Suku Beneufe hato'o agradeselementu no sentimentu orgulho ba Diretora Nacional ST-PNDS, Dulce Guterres Junior hamutuk ho ekipa ne'ebé hakat ona mai vizita suku Beneufe hodi responde comunidade nia halerik, Chefe Suku Beneufe, Marco Col mos iha esperanca bot ba konstrusaun irigasaun ne'e ho objetivo bele hamoris ekonomikamente moris comunidade nia ne'ebé maioria moris ho vida agrikultura.

Iha oportunidade hanesan Diretora Nacional ST-PNDS, Dulce Guterres Junior hato'o intervensaun ho esperanca katak ho irigasaun ida ne'e comunidade Suku Beneufe ne'ebé maioria moris ho vida agrikultura tinan tinan bele halai natar dala rua kada tinan ho ojeitu bele hamenus kiak liu husi dezenvolvimentu ba rendimentu ekonomia nasional hahu husi suku no aldeia.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl